

四庫全書

子部

欽定四庫全書

子部
赤水元珠卷二十五

詳校官太醫院_臣溫糧_臣孔毓秀

編修_臣倉聖脈覆勘

總校官編修_臣王燕緒

校對官助教_臣卜惟吉

謄錄監生_臣茅琳

欽定四庫全書

赤水元珠卷二十五

明 孫一奎 撰

小兒門

諸雜症大方脉可以槩治者茲不復錄所錄惟異於
大方脉者省繁瑣便應治也顧余不文然幼科但當
闡明證候選擇良方俾婦人女子皆可通曉庶為法
旨

初誕門

小兒初誕猶如嫩蕊嬌花切當調護得宜庶無不測之症古謂初離母體口有液毒啼聲未出急用絲綿裹指拭去口中濁穢為妙此固良法然倉卒多不暇及且亦多有拭之而不見物古人有落地解毒法回氣法將護法種種森立蒐輯於左以為保生良式

甘草法 臨月預備甘草少許以綿裹之臨產時用沸湯浸盞內俟兒落地未出聲時急取綿裹指頭蘸甘

草汁拭其口次用硃蜜法

硃蜜法 用甘草湯飛過硃砂末三五分以蜂蜜拌勻旋抹口中使其嚥下不獨鎮心安神能解一切胎熱惡物之毒免痘熱之患

又秘法 用本兒落下臍帶瓦上焙燥為末入辰砂黃連甘草各末五分和勻蜜拌作三五次塗乳母乳上俟兒吞之必使一日夜吞盡次日惡毒皆從大便而出日後不但痘疹稀疎竟有不出痘者俟臍帶落下

即便製服在六七八日之間為妙其辰砂必須研極細末以甘草湯飛過任服無害此方一以解毒一以補養蓋臍帶乃有生初之河車也繫於母之命門兩腎之所主乃以腎補腎腎既充足即不受邪故無他日變黑歸腎之症亦無顛門不合之疾生一兒即得一兒真保生最上一乘良法

斷臍法 千金論云凡結束所留臍帶大約六寸長則傷肌又斷臍切不可用刀割蓋鐵器寒冷恐傷生氣

只須隔單衣咬斷後將暖氣呵七口庶無內弔之疾
必先用熟湯浴過方斷臍若斷後浴之恐水氣入內
令兒腹疼

回氣法 初生氣欲絕不能啼者必是難產或冒寒所
致急以綿絮包裹抱懷中未可斷臍且置炭火上燒
之仍作大紙撚蘸芝麻油點着於臍帶上往來遍燎
之使火氣入臍則腹中溫煖更用熱醋湯盪洗臍帶
須臾氣回啼哭如常方可浴洗斷臍切記

戒灸 北方誕後三日每用艾灸顙門以免驚風緣北方地土嚴寒故俗灸之以禦寒善調護者何必令兒受此一翻痛苦也今南方每亦倣予屢見灸後發熱大小便秘因而驚搐遂致不救良切憫焉殆無事生事也詎思南方地熱耽孕者又不斷慾食淡薄味是貪恣情肆意胎已受毒加之以灸是以油濟火也
曷克當之

浴兒法 第三日浴兒予每用五枝湯極妙五枝湯者

桑槐榆桃柳是也各取嫩枝三寸長者二三十節煎湯看冷熱入猪膽汁二箇浴之周歲內可免瘡疥丹毒又可以避邪惡蓋三日浴兒俗禮也倘兒生脆弱遲十數日或半月亦無害擇晴明吉日於無風房內浴之

兒生下地即不啼哭不能吞乳奄奄如死者急看喉間懸癰前膊上有一泡用指摘破以帛拭去惡血勿令嚥下即能通聲吞乳

初生大小便不通腹脹欲絕者急令人溫湯漱淨口吸
咂兒之前後心臍下兩手足心共七處每處吸咂五
七口取紅赤色氣透為度氣透則便自通

輕號散 初生大便不通

輕粉二錢生蜜拌熱湯調點兒口中一二次立通

初生六七日不小便 葱白三四寸搗爛人乳拌入兒
口內再與乳吮嚙下即通

楊氏曰小兒在胎受病非一大抵裏氣蘊結壅閉不通

宜早取下胎毒

千金論曰小兒始生其氣尚盛若遇疾病即須下之下
不及時必成別症

凡下胎毒只宜用淡豆豉濃煎汁與三五口其毒自下
又能助養脾氣消化乳食

初出胞胎而不吮乳者或由產母過度胎中受寒則令
兒腹痛故不吮乳亦由口中惡物拭之不及嚥下腹
中致令嘔吐茯苓丸木香散治之

茯苓丸 治惡血入腹腹脹氣短不能吮乳

赤茯苓 黃連 枳殼

炒各等分

右為末煉蜜丸梧子大每一丸乳汁磨下 冷者

去黃連

木香散 治惡穢入腹嘔吐不止

木香 乾薑 茯苓 木瓜 甘草

炙

丁香

各等分

右為末每服一錢生薑一片水煎綿蘸捏入口中
效

奇方 治初生不乳及不小便葱號散

葱白一寸四界破之以乳汁砂砒內煎灌之立效

小兒初生穀道不通多致不救非藥石可治曾有人以銀筋頭燒紅穿通其竅大便始出亦有用玉簪穿通者

初生下週身無皮俱是紅肉宜速取白私米粉遍身撲之其皮漸生一日撲三四次以皮遍為度

初生下週身如魚泡或如水晶擦破則水滲流以蜜陀

僧研極細炒過乾摻仍服蘓合香丸

初生六七日後陰囊收縮入腹啼哭不止者受寒所致
蓋寒則收引也

硫黃 吳茱萸

各五錢

為細末研大蒜調塗臍下仍以蛇床子微炒帛包
熨其囊即下

初生受風鼻塞不能吮乳不可輕易發散惟大天南星
為末生薑自然汁調成膏貼於顙門即愈

又方 草烏皂莢為末葱汁搗膏貼於顙門效

噤風撮口瘡風

三症一
種病也

噤風者眼閉口噤啼聲漸少舌上聚肉如粟米狀吮乳不得口吐白沫大小便皆通蓋由胎中感受熱氣毒流心脾故形現於喉舌也或生下復為風邪搏擊所致一百二十日已前見此皆名噤風

撮口者面目黃赤氣自喘急啼聲不出蓋由胎氣挾熱無之風邪入臍流毒心脾之經故令舌強唇青聚口

撮面妙於吮乳若口出白沫四肢冷者不可救也其
或肚脹青筋弔腸卵疝內氣引痛皆腸胃結滯不通
治宜踈利蓋撮口最為惡候月內見之尤急候也

臍風者非獨謂斷臍之時為水濕風邪所乘多因胎中
受熱兼之風濕所激遂令肚脹臍腫身體重而四肢
柔直啼而不乳甚則發為風搐若臍邊青黑兼之撮
口乃是內搐不治爪甲黑者即死其或熱在胸膛伸
引努氣亦令臍腫可與千金龍膽湯

此三症受病之源皆緣胎毒大概裏氣壅滯搖宜
取下胎毒為好不可因循畏手畏足姑息悞事古
方天麻丸定命丹朱銀丸可量與之雖危多活每
見臍風撮口七日內見之百難一生

凡見此三症急看口中齒齦上有小白點如粟米大即
宜以溫水蘸帛裹指揩去或用銀簪挑去即能開口
吮乳不必服藥此感之淺者也感之重者照後方按
治

安臍散 治臍中汁出或赤腫

白石脂研極細一日三度傅之或用油頭髮燒灰傅
或當歸末傅亦佳

千金龍膽湯 治胎驚月內氣盛發熱臍風撮口壯熱
四肢搐掣發熱大吐及變蒸不解中惡客忤鬼氣并
諸驚癇悉皆治之十歲已下皆可服有魘氣者加人
參當歸兒大者一歲加五錢

龍胆草 鈎藤 柴胡 黃芩 桔梗 芍藥 茯

苓

甘草

錢各五

蜚螬

二枚去足翅炙

大黃

錢煨二半

右每服二錢水煎去半服之以漸加之俟大便行即止直指方加防風麥門冬以導心熱黃芩減半加北棗無蜚螬亦可

控痰散

治噤風先用此吐風涎次與益脾散和胃

蝎尾

銅青

錢各五

硃砂

錢一

膩粉

字一

麝香

分一

為細末每服一字茶清調下或用甘草湯吐痰亦可

甘草湯 治撮口取吐風痰

甘草三錢水煎服令吐出痰涎却以猪乳點入口中

即愈

益脾散 和胃進乳

白茯苓 人參 草果煨 木香濕紙包煨 甘草 陳皮

厚朴薑製 蘇子炒各等分

右每服二三錢看大小水煎服

辰砂膏 治眼閉口噤啼聲不出吮乳不得口吐白沫

大小便皆通

辰砂

錢三

硼砂

牙硝

錢各半

玄明粉

錢二

麝香

字一

全蝎

珍珠

錢各一

右為細末厚油紙包封自成膏每服一荳許粒薄
荷金銀湯下月內用乳汁調傅乳母妳上令兒吮
下

天麻丸 斷臍後為水濕風冷所乘入臍流於心脾遂
令肚脹臍腫四肢柔直日夜多啼不能吮乳此藥利

驚化痰凡釣腸鎖肚撮口並效

南星

炮二錢

白附子

炮

牙硝

天麻

五靈脂

全蝎

各錢一

輕粉

分五

巴霜

字一

右為稀糊丸麻子大每服三丸薄荷生薑湯送下

定命丹

治急驚天釣撮口通利痰熱

一方無冰片

全蝎

七箇

天麻

南星

炮

白附子

炮各二錢半

硃砂

青黛

各一錢半 輕粉

麝香

各五分

冰片

一字

右為末粟米糊為丸菜豆大每服一九荊芥薄荷

湯化下先研半分吹入鼻中

殭蠶散 治撮口

殭蠶

直者二条去
嘴水洗妙

為末用蜜調傅唇口中立效

蝎梢散 治胎風撮口臍風及百日內急驚風并諸痰

症

蝎梢

四十箇

殭蠶

去嘴洗去系薑汁炒

四十九條

冰片

麝香

各一字

右蝎梢每一個用薄荷葉包線扎定砂礮內炒至

薄荷乾為度全殭蠶研細入冰麝和勻用赤雄雞

肝二片煎湯調下一二分

牛黃散 治初生七日內口噤

牛黃一錢為末以竹瀝調一字灌之更以猪乳點入

口中

撮風散 治撮口

蜈蚣赤足者炙半條 鉤藤 硃砂 蝎梢 殭蠶炒一錢 麝香

字一

右為末每服一字用竹瀝調下

立聖散 治噤口

蝎梢

七個

乾蜘蛛

一個

去嘴足

以竹

膩粉

少許

許

為末研勻每服一字乳汁調時時滴入口中

蜈蚣散

治口噤不開不能吮乳

赤脚蜈蚣炙焦去頭足半條為末入麝香少許以猪乳一合分三服

盖猪乳治小兒口噤最良凡取猪乳須令小豬兒吮喫方其吃時將小豬後脚提起其口即開急將取之

即得乳也非此法不能得

蜘蛛散

炙焦去嘴
足一枚

為末猪乳調灌神効亦治牙疳加麝

香神效

硃銀丸

治臍風壯熱痰盛翻眼口噤取下胎中蘊受

之毒亦治驚積量病用之

全蝎

錢一

白附子

炮錢半

南星

炮

硃砂

字一

牛黃

蘆薈

各五

分天漿子

麝香

各五分

冰片

字一

殭蠶

炒十條

水銀

一錢
蒸棗

肉研如泥

鉛霜

五分和
水銀研

右為末粟米糊為丸如芥子大每一丸薄荷湯下
如未利加至二三丸

麝香散 治臍風撮口

赤脚蜈蚣

酒炙半條

川烏頭尖

三個

麝香

少許

右為末每服半字金銀湯調下

立聖散 治臍風撮口

赤蜈蚣

一條酒炙

蝎梢

七個

瞿麥

五錢

殭蠶

七個炒

右為末先用鷲毛管吹少許入鼻啼哭則可治仍

用薄荷湯調三五分

臍突光腫

臍汁不乾

附腸癰

生生子曰小兒月內旬日臍突光腫如吹捻動微響赤腫虛大可畏此由初生先斷其帶束縛不緊浴洗之時濕入所致用外消散敷之臍汁不乾者內有濕熱及血熱而然宜涼血收濕之藥摻之無不效者惟腸癰一症亦令臍中汁出小腹腫硬按之則痛小便澀以淋時時汗出惡寒身皮甲錯肚皮緊急如腫之狀

按之濡或發熱無汗洒淅惡寒皆其候也甚者腹皮
脹大轉側腹有水聲或遶臍生瘡或膿從臍出或大
便膿血必有一足不能步皆為惡候

山梔五苓散 治小兒臍突

梔子仁

炒

白朮

炒

茯苓

猪苓

澤瀉

錢各一

肉桂

分五

右為細末每五七分蜜湯或燈心湯調下

二荳散 治臍突

赤小荳

豆豉

天南星

製

白飲

各等分

右為細末每以五分芭蕉自然汁調敷臍四傍一日一次三日三次但得小便下白物即消

外消散 治臍突光腫如泡

大黃

牡蠣

煨各五錢

朴硝

一錢

右為末多用田螺浸水調一二錢敷臍上其水從小便而下即消

封臍散 治臍中汁出

紅綿灰

龍骨

煨

髮灰

面粉

炒各一錢

胭脂

丕一分

右為末乾摻濕處

丹礬散 治同上

黃丹 枯礬

右等分為細末敷上即乾

又方 蜜佗僧炒貝母 桑螵蛸焙

右為末摻之妙

又方 墻上多年白螺殼燒為末摻之佳

消癰蒼耳湯 但小腹作痛惡寒肚皮緊急一脚不能

舉步即是腸癰

蒼耳子

錢二

甘草

分五

杏仁

薄荷

瓜蒌

錢各一

水酒各一鍾煎服其渣包敷臍上二服見效有膿

者加木香當歸各五分

四聖散

治腸癰乳癰一切癰疽便毒神效

黃瓜羹

錢一

甘草

錢四

沒藥

錢三

乳香

錢二

酒煎分二次服大便微溏瀉下惡物為妙

薏苡仁湯

治腸癰腹中疼小便澀

苡仁 瓜蒌仁 丹皮 桃仁

各三錢

水煎食前服

神仙蠟礬丸 治腸癰有膿者極效空心酒吞五六十丸

太乙膏為丸梧子大每空心酒下六七十丸腸癰頓瘳
驚口白屑

初生百日口中生白點不計其數拭之則去少刻復有
口角流涎水日夜啼哭不乳是也亦由胎熱或乳母

嗜貪煇炙酒麵貽熱於兒用甘草黃連各一錢煎濃湯以帛裹指口中拭去再不復發

又方 桑樹枝條如煎竹瀝法煎汁洗之亦佳

又方 黃丹為極細末用竹瀝調塗口中洗之其白點即落一日洗二三次再以辰砂益元散燈心湯調下則不再作神妙

鼻風傷顙

凡乳母夜睡鼻孔切不可與兒頭相近恐呼吸鼻風吹

其顙門疾變百出慎之慎之

通關散 治鼻風吹顙令兒鼻塞不能吮乳

香附子

炒

白殭蠶

炒各三分

川芎

七分

荊芥

四分

細辛

二分

牙皂

一分

右為末生蔥白去鬚搗碎調藥塗顙上佳

潮熱

潮熱者今日發過明日復來如潮水之有信也有一日一發二日一發三日一發或一日兩發似瘧非瘧皆

由調護失宜或冒風寒或傷乳食或發瘡疥或陰陽不和或虛熱骨蒸皆當認證速治亦有外感內傷以致臟腑壅滯而成實證當從權下之

一傷寒之後餘熱不解者宜脫甲散兼小柴胡湯

一內傷癰塊不消脾胃不和而成潮熱先服脫甲散次搗氣下之後調胃氣

一營衛有熱陰陽不和發為潮熱

一瘡疹後餘毒不解蘊成潮熱宜大連翹飲更與助胃

氣則安

梨漿飲子

治潮熱及營熱衛熱兩日一發三日一發

五臟蘊熱瘧熱夜發痺瘧獨熱

青蒿苗

童便浸三次
洗淨晒乾

柴胡 人參 前胡 黃芩

秦艽 甘草 或加生地黃

右看大小三五錢水煎入生藕生梨薄荷葉煎服

脫甲散

治傷寒體熱頭目昏沉不思飲食夾驚夾食

寒熱大小便閉煩躁作渴冷汗妄流膈滿腹急日夜

大熱并傷風傷暑驚癇客忤瘧熱

柴胡 當歸 龍膽草 茯苓 知母 甘草 川

芎

各三錢

人參

二錢

右看大小每服三五錢加連鬚葱白三根水煎服
此方散熱扶表救裏表虛者汗不妄出裏熱令不
閉結外則通關內則開渠經絡踈通臟腑無滯熱
在表裏之間施無不可積傳驚癇之候用攻必效
地骨皮散 治虛熱潮熱傷寒壯熱

知母 柴胡 人參 甘草 茯苓 半夏 地骨

皮

各等分

右水煎加薑有驚熱加蟬蛻天麻黃芩

秦艽飲子 治症如前

即上方加秦艽

驚甲飲 治潮熱骨蒸盜汗咳嗽多渴心躁多驚面色

黃瘦

驚甲

炙

地骨皮

秦艽

柴胡

枳殼

炒

知母

當

歸各等分

右每服三五錢加桃柳枝各三寸烏梅一枚水煎

服

犀角飲 治骨蒸潮熱盜汗肌瘦

犀角屑 鱉甲炙 柴胡 知母 地骨皮 胡黃連

各五分 大黃 桃枝各二錢半

右水煎服

靈犀飲 治小兒骨蒸潮熱盜汗咳嗽不食多渴面黃

消瘦

犀角 秦艽 甘草 羌活 柴胡 地骨皮 胡

黃連

各五錢

茯苓

人參

各一兩

右每服三五錢加烏梅竹葉煎服

柴胡散

治骨蒸潮熱面黃瘦弱

柴胡

地骨皮

甘草

各等分

右水煎服

青蒿散

治肌熱潮熱

青蒿

錢三

甘草

錢一

烏梅

一枚

小麥

五十粒

十

右水煎分三次服

大連翹飲

治胎熱大小便不利諸般瘡癰丹毒臍風

瘡疹壯熱

連翹

瞿麥

荊芥

木通

當歸

赤芍藥

防

風

柴胡

滑石

炙甘草

蟬蛻

錢各一

山梔

黃

芩

分各五

右看大小每加紫草煎服熱甚加大黃

風熱

內素有熱，或又冒風發熱，咳嗽，面赤，氣粗，大便秘結者，但宜平和平解，使表裏踈通，其熱即退。踈風枳殼湯，極效。

踈風枳殼湯

紫蘇

枳殼

各三錢

杏仁

去皮尖二錢

水煎，頻頻與服，以大便通利，熱退為度。熱甚者，加黃芩。若大便仍不行，用葱煎湯洗其腰腹，取熟葱以

臍上下指之使其氣透則通利矣或用生葱尖紐入穀道立通

清上散

治胎熱眼睛腫赤糞色稠黃肚熱啼哭及身

上紅腫或頭頂瘡癰耳出膿汁皆胎毒也此方神驗

川鬱金

甘草

北桔梗

天花粉

乾葛

薄荷

藥

右各等分為末入蜜拌勻白湯下三五七分或一

錢仍用艾葉煎濃湯溫浸足底以引其熱下行

看小兒外症形色音聲脉息

經云五臟有五色皆見於面素問曰神之變也其華在面又云視其五色黃赤為熱白為寒青黑為痛此所謂視而可見者也錢仲陽云左頰為肝右頰為肺額上為心眄鼻上為脾下頰為腎赤者熱隨症治之

眼上赤脉下貫瞳人顙門腫起兼及坐坑鼻乾黑燥肚大筋青目多直視覩不轉睛指甲黑色口作鴟聲虛舌出口嚙齒咬人魚口氣急啼不作聲蛔蟲既出必

是死形用藥速救十無一生 此吐衄乃傷寒症故
言凶若傷食吐衄乃是常事

要知兒病生與死總觀面上色音聲唇青耳黑入難救
哭聲不響赴陰君

聲輕者氣清弱也重濁者痛也風也高喊者熱將狂聲
急者神驚也聲塞者痰也聲戰者寒也聲噎者氣不
順也喘者氣促也噴嚏者知其風呵欠者知其倦亦
主風陰陽相雜也

診脉歌

小兒有病須憑脉一指三關定真息浮洪風熱數多驚
虛冷沉遲實有積

左手浮洪風邪所感右手滑大乳食過傷數熱遲寒以
意推詳浮表沉裏看症投湯

看顱顙要畧

凡看嬰孩百日已後周歲已前視其顱而對其症則補
瀉用藥調治可斷其吉凶矣

顛門青筋脉虛不榮顛門常陷滑泄便便顛門腫起風
痰不止顛門久冷吐利青青顛門虛軟顛癰不免顛
門扁澗暴瀉易脫顛門歪長風作即亡顛門連額驚
風易得顛顛未充怕熱怕寒顛顛緩收胎氣不周顛
顛動數神氣昏弱顛顛寬大受疾恐害顛顛未合筋
骨柔弱

顛顛陷者始因臟腑有熱渴飲水漿致成泄痢久則氣
虛用狗頭骨炙黃為末雞子清調敷之

顛腫者乳哺不常致寒熱乘於脾家其氣上衝顛為之脹高如堆垛若寒氣上衝則堅硬熱氣上衝則柔軟寒則溫之熱則涼之

封顛散

防風 栢子仁 白芨

各一兩

右末乳汁調塗顛上十日愈

凡解顛之症乃腎氣虛弱腦髓不實不能收斂急用地黃丸補之外用大天南星微炮為末米醋調敷於絹

帛上貼之

三辛散 治解顱

北細辛

桂心

各五錢

乾薑

七錢

右為末乳汁調敷顱上乾則再塗俟兒面赤則愈

烏附膏 治顱門陷

川烏

大附子

各去皮臍尖五錢

雄黃

水飛二錢

右極細末生葱搗爛調成膏貼顱上

地黃丸 治顱解不合腎元不充

人參

錢二

懷熟地黃

錢四

鹿茸

酒炙

懷山藥

茯苓

丹皮

山茱萸

肉各三錢

右末煉蜜丸芡實大每用人參湯化下一丸

傷乳

小兒吮乳過飽腹脹不乳者不必他藥只用大麥芽

炒

煎湯服之如惡吐加陳皮發熱者加枳實如大便不通

加枳榔蓋氣下則乳自消也不必用大黃巴豆霜之

類

入門看症歌

五指稍頭冷驚來不可當
若還中指熱必定是傷寒
中指獨自冷麻痘症相傳
女右男分左叮嚀仔細看

變蒸

生生子曰古謂三十二日一變生一臟
六十四日一蒸生一腑
三百二十日十變五蒸畢則臟腑完而人始全
也
大意謂人有三百六十五骨度而合周天之數
以期歲該之云云也
愚謂嬰孩離母則腑臟已自具足

豈待變蒸完而後始生哉觀其下地固然一聲便能
呼吸飲乳大小便一如大人設臟不完啼聲安出又
安能飲乳而成大小便哉由是推之所謂變蒸者乃
氣血按月交會煅煉使臟腑之精神志意魂魄遞長
靈覺漸生爾氣血有太過有不及故寒熱之發有輕
重有晏早不然觀今之嬰孩未嘗月月如其所云三
十二日必一變六十四日必一蒸也發寒熱者百中
僅一二耳間或有之亦不過將息失宜或傷風傷乳

而偶與時會耳雖不服藥隨亦自愈茲姑採什數方
以備參用若謂生臟生腑之助則其謬也不辯自知
清解湯 變蒸熱多寒少面赤息粗有似傷風表裏無
汗或發癰疹咳嗽並皆治之

柴胡

分五

前胡

分四

酒芩

分五

甘草

分三

葛根

分三

杏仁

分四

枳

殼

分三

白芍藥

分七

右水煎服

柴胡湯

治變蒸骨熱心煩啼叫不已

人參

甘草

炙

麥門冬

去心各二錢

防風

龍胆草

各一錢

柴胡

三錢

右每服三錢水煎服

惺惺散

治變蒸發熱或咳嗽痰涎鼻塞聲重瘡疹發

熱

人參

白朮

茯苓

甘草

芍藥

桔梗

細辛

麥芽

各等分

右每服一錢加薑煎服

當歸散 治變蒸有寒無熱

當歸

二錢

木香

桂心

人參

甘草

炙各一錢

右每服二三錢薑棗水煎服

調氣散

治變蒸吐瀉不乳多啼

木香

香附

酒製

人參

橘紅

藿香

甘草

右各等分每服三錢薑二片棗一枚水煎服

明驚風篇

孫仲子泰來曰驚者病之名風者病之象言其抽搐有

似於風之動而為名也

生生子曰小兒之症莫大於驚風以其疾顧盼間暴若
雷迅而電逝也緣其致疾之由有二極須體認不可
循俗只曰驚風驚風云耳何言之夫驚有因外因內
外至者或耳聞異聲目擊異物驀然仆地者是也內
生者由痰生熱熱生風也所得之由既殊療治之法
必異治外須當養神治內自宜清降予慨今之專門偶
獲一方便大言曰治急慢驚風如神急慢二字漫無分

別視之得無太易易乎不思急屬陽陽為熱為實慢
屬陰陰為虛為寒顧治法實熱即當清當瀉虛寒即
宜溫宜補蓋治寒之劑不能治熱治熱之劑不能治
寒聖哲莫能越其矩也世無大丹曷能以一藥槩能
治其寒熱虛實者乎急慢二字間有能言之者至於
內外之因鮮有知之者矣予故揭而論之以補其畧
急驚風

生生子曰急驚風者乃有數種之殊須當細察觀古人

治法有云鎮驚者有云利驚者有云涼驚定驚截驚者究其法明是教人要知邪之入於何經識投劑有此數等之緩急也蓋邪之入心則面紅頰赤惕惕夜啼邪之入肝則面目俱青眼竄上視邪之入腎則面黑惡呌啗齒咬牙邪之入肺面色淡白喘息氣乏邪之入脾面色淡黃嘔吐不食此亦大約言之耳仍當審其兼症蓋此疾之發其始未有不由於痰熱者雖有五臟之殊尤重在心肝二臟內積痰熱外挾風邪

風火交爭血亂氣併呼吸賁鬱閉竅壅塞面赤努氣
百脉凝澁總由痰涎膠固而肝風心火無所疎泄故
頭搖目掣目斜上視搐掣不休名曰急驚症固暴烈
乃為陽症陽盛則多動而症實熱故列已上數法非
若慢驚陰症者所可比也急驚須當急治先宜通關
通關後且與截風定搐設仍不定乃議下之痰熱既
降又當養胃安神若搐定而仍有微邪但用輕劑消
痰清熱則破竹之勢自當迎刃而解也

孫季子朋來曰夫治急驚當下即下第不可過用寒涼及巴霜水銀芒硝輩蕩滌太驟蓋已上諸劑與腦麝等藥醫家有所急而用之殆亦不得已也疾去即止若不當用而用或當用而過用慢驚之成率多由此可不慎哉凡欲下之際須當細問前師已下未下或曾經吐瀉否也設已經下及曾吐瀉者不敢再擬下劑只須驅風化痰清熱令其自己不可峻攻重傷胃氣若體認未明不可孟浪施治先與通關嚏驚輩

以開其竅次用人參羌活散定搐散在意選擇下劑
亦有三等輕則利驚丸稍重則用疎風散柴胡加大
黃湯重則用天麻丸牛黃涼膈丸下後和胃補氣用
生氣散茯苓二陳湯蘓合香丸之類寧心定志丸全
蝎散溫膽湯此等不寒不熱祛風鎮驚之餘酌而繼
之以防再發庶稱良師

凡急驚鼻衄者乃陽明經中熱壅將散從血而解此易
治口中吐血者乃心血為熱迫妄行難治犀角湯加

滑石牡丹皮黃連山梔

凡急驚抽搐聽其自發自止切不可令人緊抱束繫之
恐他日有痼疾以氣不得流通故也

通關散 治驚風抽搐關竅不通

南星

炮一錢

麝香

字一

牙皂

二條

赤蜈蚣

火一

殭蠶

炒一錢

右為末生薑汁拌擦牙或筋引滴入藥二三點吐

出涎關自開

噫驚散

半夏

錢一

豬牙皂角

末五分

右為末每用少許吹入鼻中嚏出立甦

全蝎散

治驚風不語通竅豁痰

全蝎

七枚各用紫蘇葉包塗蜜炙去葉再換葉炙

右為末每服一字薑汁入蜜少許拌勻灌入口中

開牙散

細辛

南星

朴硝

各一錢

全蝎

五枚

麝香

五分

右為末以少許用烏梅肉揉和擦牙外用細辛皂

角荆芥為末吹入鼻中

人參羌活散 治驚風熱涎潮牙關緊急或中風

柴胡

去蘆
五錢

地骨皮

天麻

酒炙

人參

芎藭

獨活

枳殼

茯苓

羌活

桔梗

各五錢

甘草

三分

右每服三五錢生薑薄荷湯調服加蟬退治驚熱體硬加麻黃乾葛苡仁

鉤藤飲 治一切驚風潮搐神思昏迷目睛上視但是驚風變易皆效

麻黃去節甘草

蟬退

五枚去翅足

升麻

川芎

龍膽草

各二錢

天竺黃

鉤藤

羌活

獨活

防風

各三錢

右每服三五錢加竹葉七片薄荷葉五片水煎服

琥珀散

治急慢驚風涎潮昏冒目睛抽搐內釣肚疼

及和順痘瘡小可驚哭眠卧不安入口立效又治驚

癇常服安心定志

辰砂

琥珀

牛黃

殭蠶

炒

全蝎

去毒

天麻

南星

牛膽

白附子

炮

蟬退

代赭石

乳香

各一錢

麝香

一字

右為末三歲半字薄荷金銀湯下慢驚加附子

天麻防風丸 治一切驚風壯熱痰盛恐怖

殭蠶

炒五錢

天麻

酒煨

防風

人參

各一兩

牛黃

錢一

全蝎

五錢

辰砂

雄黃

各二錢半

炙甘草

一兩

麝香

一錢半

右為末煉蜜丸桐子大每三五丸薄荷湯下

金箔鎮心丸

治風痰壅盛發熱心神恍惚急驚搐搦

雄黃

辰砂

天竺黃

各一錢

茯苓

膽南星

人參

各二錢

山藥

一錢半

牛黃

麝香

各五分

金箔

五片

右末煉蜜為丸梧桐子大金箔為衣每服一九燈
心鉤藤薄荷湯下常服定志安心

涼驚丸 治驚疳有熱發搐心神恍惚牙關緊急目作
上視潮熱手足動搖

黃連 龍膽草 鉤藤

各二錢

牛黃

麝香

各一字

右為細末麵糊丸粟米大每服五七丸至十五丸
次大者三十九金銀薄荷湯下

定心丸 溫驚用此

茯神

白附子

南星

炮各三錢

人參

全蝎

遠志

去心

各一錢

僵蠶

炒十枚

乳香

三字

右為末牛膽汁丸梧桐子大每一二九金銀薄荷湯化下

鎮心丸

治驚常服安心鎮驚

桔梗

山藥

山梔

甘草

右各等分為末煉蜜丸櫻桃大金銀箔為衣每丸

薄荷湯下

利驚丸 治急驚身熱面赤引飲口中氣熱大小便黃

赤

青黛

輕粉

各一兩

黑豆

生末五錢

天竺黃

二錢

右為末蜜丸小豈大一歲一九薄荷湯下麵糊丸

亦可

硃砂膏

治驚風痰盛

硃砂

牙硝

各二錢

五靈脂

蘆薈

各一錢半

麝香

五分

冰片

字一

右為細末甘草膏丸萊菔大金箔為衣每一丸薄
荷湯下

疎風散 治驚風痰熱俱盛

檳榔 陳皮 黑丑 大黃

煨

右各等分為末每服五七分生蜜少許調下

牛黃涼膈丸 治熱盛涎潮

牙硝 石膏 甘草 膽星 牛黃 紫石英

錢各五

半錢

麝香 冰片 寒水石

錢一
分各五

錢煨五

右為末甘草膏九葉豈大每一丸陳皮湯下

柴胡加大黃湯 最利痰熱

柴胡

兩一

黃芩

人參

半夏

生薑

各三錢半

大黃

量虛實用

右為粗末每服一錢加棗子煎服

金星丸

治風熱結聚喉內痰鳴喘粗咳嗽兩頰紅頰

顯赤腫咽膈壅塞目閉不開狂言發熱煩躁多渴欲作驚風或大便不通小便如血

鬱金

雄黃

各一分

輕粉

五分

巴霜

七粒

南星

一個

蝎梢

一錢

右為末醋糊丸麻子大薄荷湯下三九小者一九
揭風湯 專利驚熱下痰

青黛

蘆薈

全蝎

各一分

南星

末五錢水調成餅包前三味煨熟研末入

後硃砂

一錢半

輕粉

牙硝

各三錢

右俱為細末每服一字薄荷湯下

奇方 鎮驚定搐安神

雄黃

大辰砂

各一錢

右為細末猪心血拌水調下

溫膽湯 治積痰驚悸

半夏

枳實

酸棗仁

各二錢半

陳皮

甘草

各一錢半

茯苓

錢五

右每服三錢竹茹五分薑棗煎服

全蝎散

治驚搐

殭蠶

炒三條

全蝎

薄荷葉炙七枚

麝香

少許

右為末石榴皮湯下

和中湯 和胃氣止吐瀉

茯苓

蓮肉

各二錢

藿香

天麻

人參

扁莖

炒木

香白朮

甘草

各一錢

右每服二三錢薑棗煎服

定志丸

治驚風已退神志未定

琥珀

茯神

遠志

人參

天麻

甘草

天門

冬

白附子

酸棗仁

右為末煉蜜丸皂子大辰砂為衣燈心薄荷湯化

下一二丸

酸棗仁散 治驚心不寧恐怖恍惚

人參 麥冬

錢各二

茯神

錢五

粉草

錢一

辰砂

錢五

麝香

錢一

遠

志 酸棗仁

錢各三

右為末鉤藤湯調下如內鉤加木香

防風散 治風熱痰壅大便不通

羌活 防風 枳實 川芎 粉草 大黃

煨

赤芍

分 各等

右每服二錢薑棗煎服

青金丹 踈風利痰

蘆薈

牙硝

青黛

錢各一

史君子

枚三

礪砂

輕粉

各五

方 蝎梢

個十四

右為末磨香墨拌丸麻子大每一二九薄荷湯下

京墨丸

治驚積痰熱

楚地王監以此藥而著名大利痰熱疳積

青黛 史君子

煨

蘆薈

京墨

膽星

錢各二

輕粉

麝香

各五分

冰片

字一

右為末麵糊丸梧子大每服一九薄荷湯下

鎮心丸

治急驚化痰鎮心

又一方無牛黃有膽星

硃砂

龍齒

牛黃

各一錢

鐵華粉

琥珀

人參

防風

各三錢

全蝎

炙七枚

右為末蜜丸梧子大每一丸薄荷湯化下

珍珠丸

治急驚熱盛涎潮

滑石

飛五錢

白附子

一錢

輕粉

一錢

巴霜

十五粒

右為末麵糊丸菴荳大三歲者一九二九葱白湯

下

一方有南星全蝎

犀角湯 治心驚熱盛

犀角 防風 木通 甘草 桑白皮 茯苓

各等分

右每服三錢水煎服

清心丸 治驚熱煩躁

人參 茯苓 防風 柴胡 辰砂

各二錢

金箔 二十片

右為末蜜丸梧子大竹瀝湯磨下一丸

五仙丹 治身熱面赤口噤息粗抽搐易作易止

天麻

酒浸四錢

全蝎

洗去頭足新瓦焙乾四錢

白附子

辰砂

珍珠

青礞石

煨各三錢

已霜

二十粒

金銀箔

各十片

右為末薑三片蜜一匙煎湯調服一字

珍珠天麻丸

治急驚風請量用之以通為度此方乃

治弔腸鎖肚撮口至為妙絕功效無比丸如麻子大

每服一歲五丸二歲十丸隨大小加減薄荷湯點茶

送下凡治驚風先須截風定搐次以此劑下之切不可

過利初生患者三日三丸五日五丸七日七丸加

青黛名青黛丸

天南星

炮

天麻

白附子

炮各一錢

巴霜

一字

膩粉

五錢

蕪荑

炒

全蝎

炒

滑石

各一錢半

右為末水煮麵糊為丸

慢驚

慢驚屬陰為寒為虛多發於大病之後或先有吐瀉不善調理或尅伐過度損傷脾胃夫脾屬土主四肢虛則四肢冷手指微動或口角掣動面色青二便利是其候也與急驚大不相同蓋急驚乃初病之症元氣

未虛邪氣正盛故抽搐大作症雖急乃有餘之症治可攻擊使二便通利痰降熱散而愈也慢驚乃病後虛弱無氣以言無氣以動無力抽搐元氣大虛故也有似於風俗云慢脾風症雖緩實惡候也治惟溫補使胃氣漸回大便結實其風自定切切不可攻擊症雖有痰只以六君子湯加天麻炮薑或烏蝎四君子湯所重只在保護脾胃上着工夫餘不暇及

孫李子朋來曰慢驚須要審問前症根由按輕重而施

治之不可槩稱慢候而遽投大溫大熱之劑又不可
不識緩急泛泛然夾雜他藥失時悞事如從吐瀉後
者即以理中湯治中湯甚者加大附子若水瀉輕者
五苓散益黃散朮附湯之類如從急驚漸漸轉致於
慢者全蝎觀音散風邪而得者桂枝湯若面青額汗
舌短頭低眼合不開搖頭吐舌俗曰慢脾風此土極
似木之候逐風則無風可逐療驚則無驚可療乃脾
間虛痰往來作祟眼合者係脾虛之極不能展開神

志昏迷治之早者十全二三大要只在助胃回陽若
眼半合半開手足不冷此雖屬慢驚而陽氣尚未全
脫不必用硫黃附子輩只與截風調胃可冷可熱和
調陰陽太乙保生丹聚寶丹蟬蜋散皆可選用所重
只在保脾故所治無失

理中湯 治吐瀉後脾胃虛弱四肢漸冷或面有浮氣
四肢虛腫眼合不開

人參 白朮 甘草 炮薑

右水煎服甚者加大附子

治中湯 即前方減炮薑加陳皮

太乙保生丹 治慢驚尚有陽症

防風 全蝎 白附子生 殭蠶炒 膽星 蟬退 琥

珀 辰砂各一錢 麝香五分

右為末粟米糊為丸梧子大金箔為衣每一丸薄

荷湯下

蟬蝎散 治急未盡而慢將來

金蝎

去毒七枚

蟬退

二十枚

甘草

炙二錢半

天南星

炮一枚

右為末每服五分薑棗煎服

聚寶丹

治初傳慢而未脫陽者

人參

茯神

琥珀

天麻

殭蠶

炒

防風

南星

炮

白附子

生

全蝎

炒

烏蛇肉

酒浸焙各一錢

硃砂

五

麝香

一字

右為末蜜丸梧子大每一丸石菖蒲湯下

神寶既濟丹

分陰陽平冷熱定吐瀉豁痰涎

硫黃

火硝

五靈脂

青皮

陳皮

半夏

右將硫黃火硝用磁罐鎔化攪勻冷定取下全諸藥各等分為末粟米糊為丸麻子大每服五丸米飲下

惺惺散 治吐瀉後脾弱內虛

人參 茯苓 木香 天麻 扁豆炒 全蝎炒 陳米炒

右各等分每服三錢薑棗煎服

大醒脾散 治吐瀉脾困不食

南星 茯苓 橘紅 全蝎炙 粉草 蓮肉 白附

子 人參 木香 陳米炒

右每服三錢薑棗煎服

醒脾散 治吐瀉脾困不思乳食

人參 全蝎 天麻 茯苓 木香 菖蒲 蓮肉

白朮 甘草炙 白附子

右每服二三錢薑棗煎服

朮附湯 治風濕相搏身體煩痛不能轉側不嘔不渴

大便秘利虛風頭目眩重煖四肢補中助陽氣
止自汗

白朮

四兩

甘草

炙二兩

大附子

炮去皮臍

一兩半

右每服三錢水薑棗煎服

烏沉湯

治慢驚驅風助胃

天麻 人參

川芎

全蝎

炙

南星

炮

木香

沉香

錢各一

甘草

炙

右每服一錢水薑煎服

星香全蝎散 治慢驚風昏迷痰搐

南星 木香 人參 橘紅各一錢 全蝎炙 甘草炙各五分

右每服二錢紫蘇薑棗煎服有熱加防風

定命飲 治慢驚吐瀉困沉欲傳慢脾通用

半夏 茯苓 木香 生薑未 天麻各三錢 白朮 甘

草炙各一錢

右為末薑棗湯調下五分

溫白丸 驅風豁痰

人參 防風 白附子 殭蠶 全蝎各錢一 南星炮

天麻

各二錢

右為末麵糊為丸梧子大每薑湯送下一丸

鉤藤散 治吐利脾胃氣虛生慢風

藤鉤

七錢

蟬退

天麻

防風

蝎尾

人參

各五錢

麻黃

去節

殭蠶

炒

甘草

川芎

各二錢半

麝香

少許

右水煎寒多加白附子五分可與後蟬退鉤藤飲

魚看對症用

蟬退鉤藤飲 治肚痛驚啼

鉤藤 天麻 茯苓 川芎 芍藥 甘草 蟬

退 錢各一

右加燈心水煎服

礞石散 又名奔 大能利痰不問陰陽慢脾風涎潮壅盛

命散

塞於咽間其響如潮百藥不能過其咽命在須臾但
先用此藥入喉痰即墜下功有萬全起危篤之疾布
斡旋之功

青礞石火硝煨過為極細末若急驚風痰上壅身熱
如火用薄荷自然汁入蜜調微溫服之良久其藥
裹痰墜下痰涎與藥雜和稠粘而墜下也次服退
風祛熱截驚等藥

又方 以稀糊丸萊豆大每服二九急風薄荷荊芥湯
下慢脾風木香湯磨下

慢驚慢脾虛風亦痰涎潮上塞住咽喉藥石俱不能
下用此以青州白丸子再研為末稀糊為丸入熟蜜

湯調下其涎即墜入腹次服治慢驚藥其痰立下不
動臟腑不傷真氣惟見其藥裏痰而下始知此劑之
神

烏蝎四君子湯 即四君子湯加川烏全蝎為末每服
五七分薑棗調下再服去川烏

星蘇散 治慢脾風口噤不語痰熱及諸驚風口噤

大南星一枚炮為末每服三字薑四片紫蘓五葉同
煎入雄豬膽汁少許溫和服 凡不語者大小便

須要調導慢脾風不語只用南星以人參石菖蒲
為佐

異功散 溫中和氣吐瀉不思飲食

即治中湯加木香薑棗煎服

陰癇散 祛風豁痰回陽正胃

白附子_生 黑附子_生 南星_生 半夏_生

右各等分剉散井水浸七日逐日換水浸去水乾
入全蝎末二錢同研為末每服三分生薑湯下

至聖保命丹 治驚風內釣肚腹堅硬夜多啼哭眼目

上視手足抽掣不省人事

全蝎

去毒十枚

防風

膽星

蟬退

殭蠶

炒

天麻

各二

錢

白附子

炒

辰砂

各一錢

麝香

五分

右為末糯米飲丸芡實大金箔十片為衣每一丸鉤

藤燈心湯下有熱加牛黃冰片硼砂 一方有羌

活二錢此藥常服鎮心化痰

夜啼

客忤 軀啼

夜啼者臟寒也陰盛於夜則冷動而痛故夜啼不休鉤藤散主之

又有心熱煩啼必面色赤舌胎小便赤澀鉤藤散去木香當歸加辰砂末木通煎湯調下

客忤者嬰兒神氣脆嫩外邪易而觸之或眼見犬畜異物耳聽異聲或入神廟而見凶惡神像或入暴喪之家觸而忤之故夜多驚悸睡卧中驚跳啼哭因晝之所觸而有夜之所感也其候驚啼口出青白黃沫面

色變易喘急腹痛反側瘕瘕有似驚癇但目不上竄
耳視其口中懸癰左右有小小腫核即以竹鍼刺破
治惟辟邪散驚安神為上 凡客忤中惡急作醋炭
或焚降香皂角等薰之速服蘇合香丸立甦蓋心藏
神神安則五臟和而愈也

軀啼者兒在胎時母失將養傷於風冷既生之後冷氣
停留復因乳哺不節邪與正搏故腹痛軀張盛氣而
啼也牛黃丸主之冷甚者理中丸溫之

鉤藤散

鉤藤 茯神 茯苓 川芎 當歸 木香 各一錢 甘

草 五

右每三錢薑棗煎服

乳頭散 治夜啼不止腹中疼痛

黃芪 當歸 甘草 赤芍 木香 各等分

右為末每塗少許乳頭上令兒吮之

火花膏 治夜啼臟冷而痛也

燈花

三顆

礪砂

辰砂

各少許

右為末熟蜜調成膏塗乳上令兒吮之

蟬退膏

蟬退

二十七枚去毒

辰砂

少許

右為末煉蜜丸令兒吮

六神散 治面青腹疼啼哭口中冷氣四肢冷曲腰而

啼大便泄瀉及不吮乳

人參

山藥

白朮

各五錢

甘草

炙二錢

茯苓

扁豆

各炒

兩一

右為末每服二錢薑棗煎服

又方 當歸 白芍 人參 甘草 桔梗 陳皮

錢各一

右每二三錢水煎時時服之

雄麝散 治客忤腹痛危急

雄黃錢一 乳香分五 麝香字一

右為末每一字刺雞冠血調灌

黃土散 治小兒客忤

伏龍肝

蚯蚓糞

各等分

右水調塗小兒頭上及五心上為良

龍齒散

治拘哭肚疼驚熱

龍齒

蟬退

鈎藤

羌活

茯苓

人參

天麻

防風

全蝎

各等分

右為末燈心湯調下

雄黃散

治中惡客忤

雄黃研水飛細末用桃樹枝煎湯調灌

又方 治全上

蘓合香丸拌雄黃麝香末用降真香煎湯化下立甦
丹毒赤遊風腫

孫仲子泰來曰小兒丹毒赤遊風者書謂半周一歲之
間不宜頻頻洗浴恐濕熱之氣鬱蒸不散發為丹毒
愚謂此固一說也總由妊母血熱漬流於胎胎受熱
毒蘊於腠理或乳母好食酒麵煎炙辛熱等物皆能

致之發於四肢者易為調治發於頭面胸背令兒煩躁脹悶身如火灼古謂入心者死以其毒劇火盛故也亦有濕熱滯於皮膚搏擊氣血發為丹毒入腹入囊總成凶兆良由包裹失宜復為風邪所襲發為白丹遊腫壯熱增寒鼻塞胸悶息氣喘急咳嗽吐逆種種之緣一受於母之血熱為內因一為頻洗脫着失宜為外因知內外之因明合治之法庶幾有藉乎焉

大連翹湯 治胎毒丹毒赤遊

方見潮熱

清上散加升麻

治胎毒丹毒遊赤腫

方見風熱

防已散 治丹毒赤遊風入腹入腎防其殺人

漢防已

五錢朴硝

犀角

黃芩

黃芪

升麻

各七錢

右每服二三錢加竹葉五片煎服一方無朴硝

有澤瀉

葛根白朮散

治一切赤白丹毒

白朮

茯苓

各二錢

木香

甘草

各一錢

赤芍藥

葛根

各三錢

枳殼

二錢半

右每三錢水煎服

惺芎散 治赤遊腫中氣弱不可服寒涼者

即四君子湯加桔梗水煎服

冰黃散 治赤遊腫毒

朴硝 大黃

各一錢

右為末新汲水調敷毒上

白玉散 治赤遊丹毒

滑石 寒水石

各一兩

右為末醋調塗腫處或遊至外腎有破損者用水調塗

又方 治赤遊丹毒

青黛井水入蜜調塗無青黛以靛塗之

又方 治赤白丹毒或用寒涼塗之不效者用此良愈
伏龍肝為極細末以熟雞子黃熬為油調塗

升麻湯 治外因洗浴脫着失宜增寒壯熱丹毒遊腫
并時行熱毒發斑等症

升麻 乾葛

白芍

錢各三

甘草 一錢半

右每服三四錢水煎服熱盛加黃芩咽痛加桔梗

發斑加玄參

敗毒散 治時行熱毒胃虛冷丹毒治噤口痢加陳倉

米一撮

羌活 獨活 前胡 柴胡 人參 茯苓 川芎

甘草 桔梗

枳殼

各等分

右每服三四錢生薑薄荷煎服

心紅散 治赤遊丹毒

心紅

即水銀昇之銀珠也

用馬齒莧搗汁調塗乾則以汁潤之

極妙

又方 治一切胎毒赤丹

芭蕉根大塊者搗汁塗之乾則再塗畏寒者或冬月則頓稍溫塗之

口瘡

孫季子朋來曰口瘡或宿稟胎毒或乳母過食煖炙熱

蘊心脾不能發泄而然凡用服藥雖知是熱亦不可過用寒涼恐上熱未除中寒復生也惟輕清味薄之劑緩緩治之如權衡在手輕重自如

加減瀉黃散 治心脾熱盛口瘡

山梔子

兩一防風

兩一藿香

錢七石膏

錢五連翹

甘草

錢七半

升麻

錢三

右蜜酒微炒水煎服小便短澀加滑石木通

青黛散

治驚口口瘡重腭不能吮乳及治咽喉腫塞

黃連

黃栢

各五錢

青黛

二錢

牙硝

辰砂

各一錢

雄黃

牛黃

蓬砂

各五分

冰片

少許

右為極細末先以薄荷汁拭口後搽此末一二分

如搽寒涼藥不效口中一片白漫漫者此中焦虛而熱
不得下降內服四君子加炮薑葛根外以熟雞子黃
全亂髮熬油用綿纏筋頭蘸油洗之立能止痛取
効

重舌

木舌

腫

弄舌

腫

齟齬

重舌亦為心脾蘊熱所致蓋脾脉絡於舌底舌為心苗
心脾有熱則血氣沸騰火性炎上如風潮之上壅故
熱毒附於舌根而肉壅腫叠出短小如舌者是也
着頰裏及上腭而腫者名腫腭

齒斷上腫者為腫斷此二者皆宜針破出血即愈也
木舌者臟腑壅滯挾心脾之熱上衝故令舌尖腫大
塞滿口中或僵硬如木不能轉掉不能言語若不急
治必致殞命古方用草麻子肉搗研以綿紙取油將

紙抄成條點火復吹滅以烟薰之即消

弄舌者脾虛微熱津液不足時時舒舌此不可用涼藥宜補中氣使生津液則愈矣

青黛散

治口瘡重舌不能吮乳重腭驚口

方見口瘡

硼砂散

治舌上白胎舌上乾黑

硼砂為末冰片少許摻之或用生蜜調塗舌上妙

千金方

治重舌

黃栢用竹漚浸一宿點舌上

瀉黃散

治心脾熱盛重舌重腭等症

方見口瘡

茱萸膏

治心脾熱唇口生瘡重舌木舌等症用此以

引其熱下行或兼服連翹飲子仍與金絲膏刷口內

古上立效

吳茱萸為末米醋調塗脚心更以厚紙貼之繫定

金絲膏

治小兒口瘡大效

黃丹

錢一兩生蜜

右和勻深甌盛甌內蒸黑為度每用少許刷口內

語遲

小兒四五歲不能言者蓋心之聲為言皆由在胎時其母卒有驚怖內動母之心氣不足則兒之心氣不充故語遲也法當養心菖蒲丸佳

菖蒲丸

石菖蒲

錢二

人參

錢五

麥門冬

去心

丹參

遠志

去心

薑汁炒

天

門冬

去心

赤石脂

錢各三

直指方有當歸川芎硃砂

右為末煉蜜丸麻子大每服三十九

又方

酸棗仁

錢五

遠志

去心甘草三錢湯煮乾

乾山藥

錢五

人參

白茯苓

去心皮各五錢

歸身

錢五

石菖蒲

錢二

丹參

錢三

石斛

去根飯上

蒸三錢

右為末圓眼肉煎湯調下每服一錢

斷乳法

畫眉膏

梔子

三枚炒存性

雌黃

辰砂

各少許

右為末入輕粉少許麻油調勻候兒睡濃時塗其

兩眉上醒來自然不吃乳未效再塗則效

行遲

內經云足得血而能步設未經跌撲損傷及發驚搐強被束縛者乃下元不足也蓋腎主骨肝主筋下元不足則筋骨痿弱不能行動宜用峻補下元有疳弱而不能行者當從疳治

腎氣丸 治下元不足行遲

懷地黃

酒蒸熟
四兩

乾山藥

山茱萸肉

各二
兩

茯苓

澤

瀉牡丹皮

去心各一兩半

右為末煉蜜丸空心淡鹽湯下五十丸

地黃丸

峻補下元

方見顯顯

虎骨丸

治脚軟行遲

虎脰骨

好酒炙

熟地

酸棗仁

酒炒

茯苓

桂心

防風

川芎牛膝

右各等分為末蜜丸麻子大木瓜湯下三十丸

牛膝散 治三歲不能行走

五加皮

六錢

牛膝

木瓜

各五錢

右為末每一錢酒調下

項軟

項軟者乃督脉虛而筋骨不收斂也督脉係足太陽膀胱經所主古方多從風治以其頭重頸軟頭不得正而墜前墜後也愚謂但補督脉則其氣血充盛自能收持也前虎骨丸地黃丸皆可任之

天柱丸 治項風氣起頸軟頭不得正或去前或去後

蛇含石

醋煨七次一兩

川鬱金

三錢麝香少許

右搗飯為丸芡實大每一丸荊芥湯化下

五皮散 治項軟

五加皮為末酒調塗敷頸骨上再用酒調服亦治行

遲

滯頤

滯頤者涎自口角流出而滯於頤間也此由脾冷涎多脾虛不能攝其津液泛而溢出漬滯頤間濕淫紅赤

惟當溫脾益黃散溫脾散皆治之亦有脾熱者但清其熱則涎自不泛上寒熱二字在人看其面色審其熱症問其二便庶治不偏

溫脾丹 治滯頤

半夏 丁香 木香 各一兩 炮薑 白朮 青皮 陳

皮 各五錢

右為末麵糊丸黍米大一歲十九米湯下

溫脾丹 治全上

半夏 人參 肉果 白朮 炮薑 甘草

各五錢

丁

香

一兩

右每服二三錢水煎服

清脾散 治全上

白朮

白滑石

飛各五錢

甘草

一錢

黃連

酒炒二錢

扁豆

炒

茯苓

各三錢

葛根

一錢半

石斛

三錢

右為末每服一錢燈心湯化下

赤水元珠卷二十五